



KYRKJEBLAD

FOR VAKSDAL PRESTEGJELD

25. Årg.

Juni 1971

Nr. 5

*Salmesong og orgeltonar syng seg mjukt
i hugen inn.*

*Lyse draumar, lengsler, voner,
speglar seg i unge sinn.*

*Sorglaust sprang du kring i heimen,
no er barnetida slutt.*

*Livet møter med sitt alvor,
mor si jente, far sin gut.*

Til konfir- manten

*Korleis skal den unge halda stigen rein
på livsens ferd?*

*Jau, når Ordet klårt får lysa,
alltid den mot Himlen ber.*

*Rike, varme, gode minne har du frå di barnetid.
Vakre tonar fekk du høyra,
sus frå elv, og song i lid.*

*Ofte var det leik og gaman i dei glade barneår,
når du var med sysken saman.*

Slik ei tid du aldri får!

*Kyrkja, heim og skule gav deg grunnvoll du må
byggja på.*

*Kjære ungdom, lev i Ordet,
og du skal Guds signing få!*

P. S.

Eit samfund av dei heilage

Kjære Ven,

«Eit samfund av dei heilage», er noko du ikkje har tenkt på, seier du. Du trur ikkje det eksisterar noko slikt, i alle fall ikkje no lenger. Og desse som kallar seg kristne, er i alle fall ikkje heilage, det er du viss på.

Vel, eg forstår deg so godt, men høyr her. Det kan henda den gamle boka som endå fint i dei fleste heimar, ogso har noko å seia oss om dette:

Det står mykje om «heilag» i Bibelen. Og ordet er brukt i ulike tydingar. Når det står at Gud er heilag, so tyder det at han er rein og syndefri. Likeins når det står om Herren Jesus.

Men når same ordet vert bruka om kar og reidskap, so tyder det sjølvsagt ikkje at desse er syndefrie, men det tyder at dei er innvigde til den heilage Gud, og dei er skilde ut til bruk for Gud. Når dette ordet er brukt om mennesker, tyder det at desse trur på den heilage Gud, dei har skilt lag med verda, og vil bli brukt av Gud.

Bibelen lærer at alle truande høyrer saman som greinene på vintreet, som ein lekam og lemene. På vegen til Gjetsemane bad Jesus so inderleg for samfundet av dei truande på jord, at dei må vera fullkomen eitt, og at kjærleiken må vera brennande millom dei truande. For når det skjer, vil verda sjå at Jesus er sent av Gud, dei truande vil stå fast i si tru, og Guds rike vil veksa på jord.

Mange sauer gjekk vill og vart borte då dei skilde lag med dei andre, — og mang ei varm glo vart kald og svart då ho vart liggjande åleine, riven bort

frå dei andre. På same måten vart mange som trudde, borte frå Gud då dei skilde lag med dei truande i bygda. Og so ofte har det hent at ein varmhjarta truande vart lunka og kald då han skilde lag med dei andre. Dei vart borte frå Gud då dei skilde lag med samfundet av dei heilage på jord.

Samfundet av dei heilage er samlingsom Guds ord og dei heilage sakrament. Søk inn der og du vil sjå at det eksisterar. Det er Guds meining og vilje at dette samfundet skal hjelpe og verna dei av hans born som nok er i verda, — men ikkje av verda.

Velkomen då, kjære ven, til samfundet av dei heilage!

Helsing,

Lars Bjørsvik

Ungdom og vår

Ungdomstid, livsens vår,
det brusar i blodet,
bryts og brår
som vårflaumen gyv og fossar.
Tankar vert kasta hit og dit,
uløyste spørsmål i hugen slit.
Vissa lyt vika for tvilen.
For best som du trudde
du løysinga visste,
kom uvissa att,
og motet du miste.
Men vår er grotid — knoppar sprett —
vona vaknar glad og lett.
Med tru og von din åker så,
og du vil signa grøde få.

Har skrive ned desse linjene med særleng tanke på konfirmantane våre.

Helsing frå ei konfirmantmor.

Be, så skal de få, så gleda dykkar kan vera fullkomen.

Jesus.

KYRKJEBLAD FOR VAKSDAL PRESTEGJELD

Bladstytar: Gudmund Skiftun, Dalekvam.

Faste medarbeidarar: Lars Bjørsvik, Johanne B. Helle og Magne Hesjedal.

Kasserar: Sveinung Sandal, 5290 Stamnes-
hella, tlf. Stamneshella nr. 32.

Postgiro. 723 47. Bankgiro 103385/123.

Ekspd: Skaars Boktrykkeri tlf. 8 Norhelmsund

Minnet

Det er godt at me er utstyrte med minne. Somme har svært godt minne. Dei kan fortelja og draga fram or minnet mangt og mykje. Andre klagar over dårleg minne. Det skal me ikkje gjera, for me har alle med vanlig utrustning fått evne til å minnast. Men det er med minnet som med så mangt. Det må brukast og øvast opp.

Me prentar i dette nummeret to dikt med helsing til våren sine konfirmantar. På kyrkjegolvet har dei vist at dei har minne. Og det må seiast at det er verdifullt ting som då vart dregne fram. Det er vårt ynske at minnestoffet frå kristendomsopplæring og konfirmantførebuing ofte må få koma fram i tankane.

Paulus skreiv i si tid til sin unge ven og medarbeidar Timoteus: «Kom Jesus Kristus i hug, han som stod opp frå dei døde». 2. Tim. 2, 8. Guds ord er tidlaust, og oppmodinga gjeld like fullt i dag som den gongen ho var skriven. Me treng å påminna kvarandre om å koma Jesus Kristus i hug.

Ein vårkveld for mange år sidan vitja eg ein gamal og sjuk mann. Det var ein vakker kveld, og me prata i lag og lytta til fuglesongen. Han var så glad fordi han enno ein gong fekk

oppleva våren, sa han. Best me prata i lag sa han: — Eg og Jesus er gode vener. Han sa det på ein måte slik at desse vakre orda tidt og ofte kjem meg i minnet. Eg såg at han vart glad då han kom med si varme vedkjenning. Han kom Jesus Kristus i hug, han som stod opp frå dei døde.

Ein gut skyssa ein gong presten med hest og stolkjerre. Det var før bilismen si tid. Dei sat attmed kvarandre i vogna og pratte lite grann. Så tok guten opp klokka si og såg etter kor langt det leid på dagen. Presten kikka og på klokka, og han såg då at det var skrive noko på talskiva. Guten syntte presten klokka si. På talskiva stod: Kom Jesus Kristus i hug. — Det er ofte slik, sa guten, — at når eg aller mest treng om å koma Jesus Kristus i hug, då er eg freista til å gjera ting som eg ikkje må gjera. Tek eg så opp klokka, vert eg berga.

Kor godt me vil få det om me ofte kjem Jesus Kristus i hug, han som stod opp frå dei døde. Best ser me han når me bed til han. Då stråler han fram i minnet. I domkyrkja i København står på alteret det kjende Kristusmonomentet av Thorvaldsen. Ein tilreisande ferdamann spurde kyrkjetenaren kvar ein skulle stå for å få det beste inntrykket av kunstverket. — Du ser det best når du bøyer kne ved altarringen, var svaret.

Me kjem Jesus Kristus best i hug når me flokkar oss kring altarringen og tek imot Jesu lekam og blod til forlating for syndene. *G. Skiftun.*

Har sorg og vonbrot drive deg til å be, så driv bøna til vederlag bort sorga.

Melanchton.

Sveinung Sandal flytter austover

Lærer Sveinung Sandal og huslyd flytter frå Stamnes til Skjeberg i sommar. Han skal overtaka lærarstilling ved ungdomsskulen på sin nye arbeidsstad.

Med Sveinung Sandal misser kyrkjebladet ein god mann. I den tida han har vore kasserar for bladet, har bladet sin økonomi vore jamt stigande. Kyrkjebladet har hatt flinke kasserarar. Me minnest med takk Berta Skage, som i ei lang årrekke, ja, heilt frå starten av stod som kasserar for bladet. Og me minnest og takkar Birger Olsnes for alt strev han hadde med bladet sin økonomi endå så nedlest han var med anna arbeid og ei noko veik helse.

Denne gongen lyt takka gå til den unge, vitale og aktive Sveinung Sandal. Me takkar hjarteleg for det gode arbeid han har lagt ned for kyrkjebladet. Han har fått verkeleg god orden på sakene, og dei som har streva og samla inn bladpengar har fått sin honnør i bladet.

Det er ikkje berre kyrkjebladet som har lege Sveinung Sandal på hjarta. Som formann i Stamnes sokneråd i to valbolkar har han lagt ned eit stort arbeid. Alle saker har vore grundig førebudde. Ting som stod for tur til å ordnast i kyrkjer og gravplasser har han til og med sytt for at dei vart kostnadsrekna.

Saman med kona, Lilla Sandal, har dei baa to gått aktivt inn i alt bygginge, godt arbeid i sokna. Yngresarbeidet har lege dei sterkt på sinnet. Saman med andre unge kristne har

dei lagt ned eit stort og signerikt arbeid for ungdomen.

Kyrkjebladet takkar for seg, men tek med heile Stamnes sokn i ei hjarteleg takk til lærarparet Lilla og Sveinung Sandal for deira utrøytande arbeid i skulen og utanom skulen til beste for oss alle.

Eksingedalen kyrkje

Nils A. Flatekval har slutta som gravar ved Eksingedalen kyrkje, Ottar Flatekvel og Rune Nesheim har teke på seg gravarbeidet.

På siste soknerådsmøtte vart det gjort vedtak om at kyrkja må få nye utgangsdører og nye smijernsdører inn til kyrkjestaden. Kommuneingeniør Leiro har lova at arbeidet skal verta gjort slik soknerådet bed om det.

I veka etter Helgetorsdag vart det i Eksingedalen kyrkje sett to vakre tinnvasar på altaret med innskrift: Eksingedalen kyrkje 1971. Då soknerådet ikkje veit kven gjevaren er, vil det her i bladet få bera fram ei hjarteleg takk for gáva.

Páskeleiren på Ekse

Det var i år 9. gang på rad at Laksevåg kr. Ungdomsforening arrangerte páskeleir i skolehuset på Ekse, og vi vil alle på denne måte få takke bygdas folk for at vi i alle disse årene har fått anledning til å feire páske på fjellet sammen med Jesus Kristus. Páskens evangelium har alltid vært det samme i disse årene, likevel alltid like nytt og aktuelt, og hver gang får nye øyne se Ham som led korsets død for vår skyld.

Margith Johnsen.

God lærdom

Alt eg har lært på kunsten sitt område, alt eg har skrive og tenkt, det eg har utretta i livet, kjem ganske enkelt av at då eg var barn, les mor mi dagleg eit stykke frå Bibelen for meg, og eg laut læra det utanåt. Eg har mykje å takka mor for. Ho lærde meg tidleg å studera bibelen slik at eg skjøna heilskapen i Guds ord. Men framom alt lærde ho meg å sjå på Bibelen som norm for handlemåten min. Så snart eg hadde lært å lesa, greidde ho ut bibelvers for meg, og ho heldt fram med å undervisa meg til eg reiste heimanfrå for å studera i Oxford.

John Ruskin.

Prostiregulering i Bjørgvin

Vaksdal over til nytt prosti.

Frå biskopen og fra departementet har sokneråda i Vaksdal fått brev om regulering av prostiet. Osterøy prosti kjem til å gå ut på grunn av at Arna og Åsane går inn i Bergen. Haus og Hamre vert det gjort framlegg om skal gå inn i Nordhordland prosti. Med omsyn til Vaksdal prestegjeld stiller departementet opp to framlegg som sokneråda skal taka standpunkt til. Det eine alternativet går ut på eit prosti som spenner over 11 prestegjeld: Kvam, Vaksdal, Fusa, Samnanger, Strandebarm, Ullensvang, Odda, Røldal, Ulvik, Voss og Vossestrand. Det andre alternativet omfatar Voss, Vossestrand, Vaksdal og Ulvik.

Dei fleste sokneråd har hatt saka opp og har samrøystes tilrådd sistnemnde alternativet, slik at prostiet

spenner over Vaksdal, Voss, Vossestrand og Ulvik. Før tilrådingane vert sende vidare skal prostireguleringa som sak leggast fram i soknemøte til endeleg fråsegn.

Innkomne bladpengar

Gjartrud Kallestad	kr. 70,—
Bjarne Thaulé	» 135,—
Sveinung Sandal	» 50,—
Direkte frå tingarar	» 30,—
	<hr/>
	kr. 285,—

Sveinung Sandal

Kyrkjegardane

Kyrkjegardane på Vaksdal og Dale er også i år under omieggjing og vøling. Karmane vert tekne vekk, og jorda vert sletta og isådd med plenfrø. Alle pårørande som har graver på dei felta som vert ordna har fått melding, og vøla har vorte kunngjort i «Bruvik». Gamle graver må festast elles ver dei utsletta.

Bryllaupsmarsjar

Den katholske kyrkja har forbode all verdsleg bryllaupsmusikk ved brudevigsler. Ein Vatikan-kommisjon har kunngjort at dei tradisjonelle bryllaupsmarsjar av Mendelssohn — Bartholdy og Wagner ikkje lenger må spelast i kyrkjene. Kommisjonen forbod også Gounods Ave Maria og Händels Largo.

Også i våre kyrkjer har me dei som mislikar verdsleg bryllaupsmusikk i kyrkjene. Kor mykje finare var det ikkje om brydeparet kom inn i kyrkja til koralspel.

Kyrkjelege handlingar

DØYPTE:

DALE:

Helge Arne Moen, fødd 15. mai 1970, døypt 8. mai.

Bjarte Helle, fødd 26. januar 1971, døypt 15. mai.

Rune Vedå, fødd 6. mars 1971, døypt 16. mai.

Dag Jone Fadnes, fødd 4. mars 1971, døypt 5. juni.

Anett Barbara Kallestad, fødd 4. januar 1917, døypt 17. april.

Siri Stamnes, fødd 5. februar 1971, døypt 1. mai.

Karin Tysse, fødd 1. februar 1971, døypt 15. mai.

Randi Takvam, fødd 4. mars 1971, døypt 16. mai.

VAKSDAL:

Kjersti Thomassen, fødd 15. mars 1971, døypt 9. mai 1971.

Kari Anne Tolås, fødd 25. februar 1971, døypt 9. mai 1971.

Georg André Melcher, fødd 28. mars 1971, døypt 23. mai 1971.

Ivar Ellilfsen, fødd 13. april 1971, døypt 31. mai 1971.

STAMNES:

Jorid Onarheim, fødd 6. mai 1971, døypt 30. mai.

Cathrin Hagen, fødd 15. april 1971, døypt 6. juni.

VIGDE:

VAKSDAL:

Knut Gudmund Stamneshagen og Irene Margrete Moe, vigde 8. mai 1971.

DALE:

Gunnar Andreas Amundsen og Rita Bruvik, vigde 15. mai 1971.

Harald Lundestad og Mari Grønset, vigde i Tonsen 29. mai 1971.

EKSINGEDALEN:

Severin Bergo og Alis Irene Monsen, vigde 29. mai 1971.

AVLIDNE:

DALE:

Edvin Standal, fødd 29. desember 1921, døydde 13. mai 1971, gravlagd 22. mai.

Gurid Rødland, fødd 18. juli 1908, døydde 3. april 1971, gravlagd i Bergsdalen, 10. april.

Kristbjørg Fosse, fødd 25. januar 1885, døydde 13. april 1971, gravlagd i Bergsdalen, 20. april.

Anna J. Hop, fødd 15. januar 1878, døydde 15. april 1971, gravlagd 21. april.

Ragnhild Hereid, fødd 14. oktober 1880, døydde 4. mai 1971, gravlagd 8. mai.

Gurine Kalvik, fødd 2. august 1901, døydde 27. april 1971, gravlagd 4. mai.

Ragnhild Lid, fødd 9. januar 1901, døydde 4. mai 1971, gravlagd i Bergsdalen 11. mai.

STAMNES:

Ole O. Grøsvik, fødd 29. juli 1888, døydde 12. mai 1971, gravlagd 19. mai.

Anna Vassenden, fødd 19. februar 1878, døydde 2. juni 1971, gravlagd 9. juni.

EKSINGEDALEN:

Guri Neset, fødd 7. mai 1883, døydde 26. april 1971, gravlagd på Flatekval, 30. april.

VAKSDAL:

Albert Johan Eriksen, fødd 10. juni 1891, døydde 10. mai 1971, gravlagd 15. mai 1971.

Oluf Mikal Amble, fødd 2. januar 1887, døydde 31. mai 1971, gravlagd 5. juni 1971.

Eidsland Samvirkeleg

EIDSLANDET

Filial: Lavik

DALE BILSERVICE

Johannes A. Lid & Co

Tlf. 2193 — Dalekvam

A. L. VATLE

DALE

Kjøtt, pølser og påleggsvarer

Frukt og grønnsaker

Dale Blomsterhandel

Blomster ved alle høve

Ring tlf. 2346 — Dalekvam

Nesheim kyrkje

Nesheim kyrkje har no fått sitt romslege sakristi med innlagt vatn, likrom i kjellaren og sanitæranlegg. Det er Åge Lavik som har utført arbeidet på anbod. Kyrkja har no fått lovnad på lysekrona som gåve frå B.K.K. I sommar er det tanken å få kyrkja måla utvendes.

Snille folk

Dei hadde hatt gjester på vitjing i heimen, og dagen etterpå sat kone og mann og snakka om gjestene. Om ei stund sa Vesle Per: — Mor, er det berre me som er snille?

GUDSTENESTER

3. søndag e. treeining (27. juni):

Bergsdalen kapell: Res.kap. Bjørsvik. Offer til Norsk Lærarakademi.

Eidslandet kapell: Søkneprest Skiftun. Offer til Israelsmisjonen.

4. søndag e. treeining (4. juli):

Vaksdal kyrkje: Res.kap. Bjørsvik. Nattverd.

5. søndag e. treeining (11. juli):

Dale kyrkje: Res.kap. Bjørsvik. Nattverd.

Stamnes kyrkje kl. 17.00: Res.kap. Bjørsvik.

6. søndag e. treeining (18. juli):

Eksingedalen kyrkje kl. 11.00: Res.kap. Bjørsvik. Nattverd. Offer til Kirkens Nødhjelp.

Nesheim kyrkje kl. 17.00: Res.kap. Bjørsvik. Nattverd.

7. søndag e. treeining (25. juli):

Vaksdal kyrkje: Res.kap. Bjørsvik.

Bergsdalen kapell kl. 17.00: Res.kap. Bjørsvik. Nattverd.

8. søndag e. treeining (1. august):

Stamnes kyrkje: Søkneprest Skiftun. Offer til Nordhordl. Indremisjon.

Dale kyrkje kl. 19.30: Søkneprest Skiftun.

9. søndag e. treeining (8. august):

Eidsland kapell: Søkneprest Skiftun. Nattverd

10. søndag e. treeining (15. august):

Vaksdal kyrkje: Søkneprest Skiftun. Nattverd

11. søndag e. treeining (22. august):

Dale kyrkje: Søkneprest Skiftun. Offer til Dale Indremisjon. Nattverd.

Stamnes kyrkje kl. 17.00: Søkneprest Skiftun. Nattverd.

12. søndag e. treeining (29. august):

Vaksdal kyrkje: Res.kap. Bjørsvik.

Nesheim kyrkje: Søkneprest Skiftun. Offer til Kirkens Nødhjelp.

13. søndag e. treeining (5. september):

Dale kyrkje: Res.kap. Bjørsvik.

Stamnes kyrkje: Søkneprest Skiftun.

**Ekspedisjonstider ved
våre kontor:**

DALE, Tlf. 2421 Frå Til
Måndag t.o.m.
torsdag 8.30 15.00
Fredag 10.00 17.30

VAKSDAL, Tlf. 3605

Tysdag 9.30 16.00
Torsdag 9.30 13.00
Fredag 9.30 17.30

STAMNES, Tlf. 3 a

Laurdag 9.00 12.00

Bruvik Sparebank

5280 DALEKVAM, Tlf. 2421

**Stamnes Handelslag
STAMNESHELLA**

RADIOSPECIALEN ^{A/S}

Tlf. 2240 DALEKVAM

RADIO - TV

Reparasjonsverkstad

BRUVIK HANDELSLAG

Ass. Landhandel og Bakeri

FILIAL SKAFTÅ

BØKER — PAPIR — BIBLAR

SALMEBØKER - SANGBØKER

EIDE & PETERSEN ^{A/S}

Tfn. 2258 DALEKVAM

Dale Handelsforening
Dalekvam

K. SEIM

Kolonial & Delikatesse

Tlf. 2323 DALEKVAM



Dale Servicestasjon
AGNAR VATLE
Tlf. 2189 - 2431 -
Dalekvam

Bensin - Dekk - Rekvisita

Stanghelle Handel

STANGHELLE

Vaksdal koop. Handelslag
VAKSDAL

Telefon ; Kontor og manufaktur 3712, snarkjøp 3710, kjøtavd. 3711
filial 3713

Kjøp i Dykkar eigen forretning